



UNIVERSITÄTS-
BIBLIOTHEK
PADERBORN

Universitätsbibliothek Paderborn

In Amos, Abdiam, Et Ionam Prophetas, Commentarij Francisci Lamberti Auenionensis

Lambert, François

Argentorati, 1525

VD16 B 3868

Quid faciet populus, ubi principes & magistratus, Dei sermonibus
contradicunt. Capvt XV.

urn:nbn:de:hbz:466:1-35983

FRANC. LAMB. IN IONAM

rem Antichristi, & Synagoge eius damnatissima, &
Christum & sanctam Ecclesiam eius condemnant.

Vidi enim nouissime, edictum unum cuiusdam Princi-
pis, ex his q̄ Antichristi partes agunt, qui omnia iuxta ue-
ritatem Dei, nunc aut scribuntur aut prædicantur, tanta
crudelitate interdicit, ut non putem Neronem, Dioclecia-
num, aut quæuis tyrannorum, magis deseuisse in ueritatē
& Ecclesiam Christi, quā in suo illo edicto fecit hic nouus
tyrannus, & hostis Christi. In fine autem ipsius, quid pu-
tas eum posuisse, ut iustificet seipsum? Putasne, quod uel
pilum quidē ē diuinis scriptis adsumserit? Nihil omnino.
Sed pro ratione preemptoria, ita insanus homo conclusit.
Quia sic nobis placet. O insaniam nullatenus ferendam.
Quia ita placet oculis huius excæcatissimi uermiculi, uult
interdicere uerbum Dei populo, super quo Dei uice mini-
ster positus est. Nonne ministrorum est facere, ut Domi-
norum iussiones impleantur? Sed in proximo est iudicium
tuum, homo perdate, & nisi mox respueris, & te et tuos,
sempiterna perditio manet. Quod autem tibi dicimus, oēs
qui tuam insaniam imitātur, sibi dictum non dubitent.

Quid faciet populus, ubi principes
& magistratus, Dei sermoni
bus contradicunt.

C A P V T

XV.

Obedicendum

Obediendum est Principibus, etiam Dyscolis, sed non nisi in Christo **IES V.** Ergo in his quæ Domini **IES V** Christi legibus aduersariur, est nulla tenus adquiescendum. Ideo obserua, quod si fidelis uiuit in terris Principum infidelium, & qui non habentur pro fidelibus, etiam si eum mori opus sit, seruare debet legem Domini, orans pro conuersione & salute eorum. Si autem Princeps habetur pro fidei, & fratre, id est, Christianus nominatur, et non uult adquiescere sanis sermonibus Domini, sed uult ut populus cui præest, contemptis Domini **IES V** Christi legibus, Antichristo cohareat, tum cõgregari debet fidelium Ecclesia, & illum sicut fratrem (frater nãq; uocatur, etiã si corã Domino sit minime) commonescere, ut respiscat. Nimirũ ut frater, Ecclesiæ iudicio et uerbo Dei, secundum quod solũ iudicat, est subiectus. Quod si conuenit, est ab omnibus habendus sicut ethnicus, & fugienda est omnino conuersatio eius, ut de criminosis Paulus ait. **1. Corin. 5.** Nõne etiam hæcenus multis Synodis fuit definitum, filium perditũ, sede imperij sui priuãdũ, si hæreticus conuinceretur? Quod si fieret, et de ipso, & de uniuersis Principibus, qui pro fratribus, id est, Christianis habentur, damnare minime possemus. Ecclesia enĩ tota, cuiuslibet regionis, in omnes filios suos habet ex Dei uerbo potestatem, cuius filij sunt omnes Christiani, etiam Reges & quicunq; Principes. Ergo dũ causa subest, hoc est, dum non uult Dei sermonem seruare, neq; seruari à populo suo.

FRANC. LAMB. IN IONAM

populo suo, potest à tota Ecclesia separari in tempus, & si obstinatus est, amoueri.

Audire quosdam, certe perperam dicentes, quod dum Principes aut alij è fidelibus, aliter uiuunt quàm oporteat Christianos, non iam fratres sunt, et ideo sicut cum meris gentibus, est cum illis conuersandum. Sed salua eorum pace, non est ita. Frustra enim Paulus. 1. Corin. 5. iussisset separari à fidelium reliquorum conuersatione, criminosos, qui fratres, id est, Christiani nominabantur, si uolebat cum eis conuersari, quasi cum Ethnicis & Gentibus. At de his alibi plura.

Nemo tamen putet ex præscriptis, quòd dicam exercitum congregandum, aut arma sumenda, ut separetur, aut excommunicetur pseudochristianus Princeps. Nam ubi tota Ecclesia fratrum, id est, Christianorum, non conueniret in idem, & non possent christiana excommunicatione, compescere insaniam principum huiusmodi, tum uiderit fidelium quisque, ut quantum ad eum spectat, uitet eorum communionem, & ne propter eos, deficiat ab eloquijs Dei altissimi. Si quid præcipiunt, & nõ aduersatur uerbo Dei, illis pareant, & tributa reddant, sed alioqui nihil habeant commune cum eis. Absit autem, ut dicam eos proinde gladios aut arma sumere posse, in hanc rem. Arma quippe militie nostræ non sunt carnalia. Veh uel adulatoribus Principum, qui eos primum, & per eos demum, omnes populos illis subiectos perdunt. Sed potens es domine,

es DOMINE, & ueritas tua in circuitu tuo.
Dissipa omnes conuentus hostium tuorum, ut ubi-
que regnet ueritas tua, & fiat regnum
huius mundi tuum, ac Christi tui in
sempiternum
Amen.

Commentariorum Francisci Lamberti
Auenionensis in librum tonæ
Prophetæ, ac Allego-
riarum in eun-
dem,

FINIS.

ARGENTORATI APVD IO
HANNEM HERVAGIVM
MENSE IVNIO AN.
M. D. XXV.